



Mánán giälla 6 mánuon rájieste

Binná duv mánán giälla bijrra 6 mánuoste

- Duv mánná adná iädnagub ájttsat viäraldisne! Giähjth máb mánná vuajnná jah vaddieh báguojde dassa. Ájtsh gájkijde mah leäh gyöldaladtjh, smávieste stuarrásisse akttane.
- Duv mánná juo dál nälggase dujna muaduojne, jiäniigüjme jah svahttjamijgüjme. Vargga mánná álggá jiäniigde dahkkat mah guvllijeäh *da-da jah ta-ta*.
- Duv mánná álggá ájgien mehte skenet báhkuovásasijde guh *geähttjat* jah báguojde guh *tjiddtje váj áhtttje*.
- Duv mánná eähttsá nälggasit dujna, *tittut* stáhkát jah alkkie svahttjamestáigijde tjuavvuot guh *Imse vimse spindel* jah *Baka baka liten kaka*.

Nälggash gájkij bijrra

Nälggash jijtjat mánájne gájkij bijrra mij sájtta jah duv mánán iäntuob giässa. Nälggash biäbmuoj, gárvuoj bijrra, máb vuöjnniebehten jah máb mánná dahkká. Gulddalh mánnáje tjärggadiktta nuv mánná sijttá járkkiet nälggasit. Vaddieh nuögies ájgieb!

Målsuoh jah mubbádastieh

Giärduoh mánán tjuajub, muanh mij merkkiije jah biäjh báguob dassa. Vuördieh dassás guh mánná leä vástiedamme jiäniigüjme jallá svahttjamijgüjme uvddale járkáh. Mánná liärra juo dálle vuaruob ludnedit, nälggasit jah skenet sápkkamub báguoj jah gävniij gaskan.

Stágh giäliijne

Lávluoh lávluomijde, dahkkh rijmijde jah stágh lávluomestáigijde. Bruvkkah suarmijde jah juölggiesuarmijde, dahkkh tjuajijde jah suahtastallh! Duv girjievuarkáne gávnnijeäh girjies, lávluomh jah musijkah heäjmijde lünet.

Luhkkh jah nälggash akttane

Guh mánná máhtta duv tjelmijde jah sievietiemmiehárieb tjuavvuot, sievietiemmiegirjije gyöldalatje guöjmiebjáddá. Sievieth suarmijgüjme jah nälggash gávviij bijrra. Ájtsh massa duv mánná lyjkkije. Álguosne eänttuo leä ániegádtje valla ájgien mehte suajman mánán viejjiemub usjadallat buerest lassáne.


Nälggash jijtjat iedniengiälub

Nälggash, lávluoh jah luhkkh jijtjat iedniengiälub. Jiänabus mánáh viäraldisne vyössh máddiegiälüj byjrrasijne, jah leä ávkiene bijrás sjaddat jiänabe giäliigüjme guh barra akttá.

Uhttsh jiänabub

- Luhkkh jiänabub Bokstarten bijrra dása: www.bokstart.se
- Jüs dádna leäh ávrruosne jijtjat mánán giällauvdiediemien bijrra, jårggalh mánnásujttuogavdátjisse viehkien uvdaste. Dádna máhtáh ájáj jijtjat mánán giällauvdadiemien bijrra nälggasit uvdaskuvlan barggiigüjme.

Bokstart



Mánán giälla 1 jábien rájieste

Binná duv mánán giälan bijrra 1 jábieste

- Mánna bruvkkije svahttjamijde jah tjuajijde jüs sijttá subtsastit náganub dunnien.
- Vuastas báguoh leäh mah leä dásnie jah dálle, guh *bállá*, *berretje* jah *giähtjh*.
- Duv mánna jänabe báguojde skenije guh máhtta jahttiet valla dárbasje duv viehkíeb dulkkat jah målgietit.

Tjuavuoh mánán iäntuob

Dádna máhtáh bruvkkat gájkijde árggabiejviene majddie vuöjnniebehten jah dahkkabehten vaj uvdiedit mánán giälub. Biäjh báguob massa mánna ájttsá dál. Guh mánna jahtta dá jah sieviete gáhttije máhtáh dádna vásstiedit: *Jua dahtta leä gáhttu*. *Lyjkkah dádna gáhtuob?* Mujtieh vuörddiet mánán vásstiedassub.

Ájtsh jah gulddalh

Guh vaddáh mánab állies jijtjat ájttsamub jah gulddalh tjárggadikta die mánna dábddá dádna adnáh ságub leä ájnas, majddie mánna báguob jahtta, sieviete jallá jättjáláhkáje dunnien diedieth. Duv vásstiedemijste mánab liärrá vuarruob ludnadit guh nalggase.

Stágh giäliljne

Lávluoh lávlluomijde, dahkkh rímijde jah stágh lávlluomestágijde. Bruvkkah suarmijde jah juölggiesuarmijde, dahkkh tjuajijde jah suahtastallh!

Dahkkadallh jah subtsasth

Subtsasth máb mánán berretje dahkká jallá gussa bússe ulguolisne vuajjá. Nalggash gávviij bijrra sliahtijde jah viänagijde. Mánna dárbasje gulddalit urra báguojde máddien bálien, uvmassie hárráje.

Luhkkh alkkies gávvagirrijde

Dállie máhttiebehten gávvagirrijde bruvkkat. Álguone aktane gávviijde geähttjabehten jah sievietit. Vuastak leä alkkiebe jüs dádna jijtja nalggash, valla miñgiele máhtta mánna girjien tiäkstub gulddalit. Duv girjjievuarkáne gávnnijeäh bahkkadiemíeh buörrie girrijde heäjmme lünet.

Nalggash jijtjat iedniengiälub

Nalggash, lávluoh jah luhkkh jijtjat iedniengiälub. Jänabus mánah viäraldisne vyössh máddiegiälíj byjrrasíjsne, jah leä ávkiene bíjjás sjaddat jänabe giälíjgüjme guh barra akta.

Uhttsh jänabub

- Luhkkh jänabub Bokstarten bijrra dása: www.bokstart.se
- Jüs dádna leäh ávrruosne jijtjat mánan giállauvdiediemien bijrra, járggalh mánnasujttuogavdátjisse viehkien uvdaste. Dádna máhtáh ájáj jijtjat mánan giállauvdadiemien bijrra nalggasit uvdaskuvlan barggiigüjme.



Mánán giälla 18 mánuon rájieste

Binna duv mánán giälla 18 mánuoste

- Jiäna mánáh dan áldarisne skenijeäh vargij 200 árggabeäjjvievbaguojde jätjá sijijsne.
- Mánná bruvkkije sámies báguojde, valla báguoh máhtth uvmassijde merkket vyjjarisne.
- Sámies mánáh älggh báguojde tjáhkkán biäjjat, bujkkalvis tjidtie bijlla jallá biäñña dessne.

Nálggash amma mubbie mubbáje

Nálggash man bijrra dahkkabehten jätjáláhkáje báddijne. Subtsasth mánnáje mij sjaddá jah biäjh báguojde dassa dahkkabehten. Gulddalht tjárggadikta máb mánná jahttá jah ussjade. Vaddieh duv mánáb álluo ájgieb.

Tjürggeh jah uvdiedh máb mánná jahttá

Guh dádna bruvkkah mánán jijtjasa báguojde jah urra báguojde dueddet dádna viehkieth mánáb suv giäluub uvdiedit. Jüs mánná jahttá "namnam", máhtáh dádna jahttiet: Jua, leä beäbmuo jah dál galggabe bárrat. Ij leäh ábijk dan álddarisne ahttie mánná jahttá *dáhttu* jah ij jahttieh gáhttu. Ielieh njuelggh mánáb, ájnát bruvkkah báguob jijtja náv mánná guvllá gukttie galggá tjuajjat.

Sápkh mánán jijtjasa viäraldisse

Leä alkkiebe urra ässijde liärrat jüs dádna sápkh dassa leä juo dábduos mánán uvdaste. Jüs gávuvub vuöjnniebehte mávkájste, máhtáh dádna mánán mávkájde sieviete jah jahttiet: Duvsnie leä ájáj mávkáh, guh mánná girjiene.

Nálggash - luhkkh aktane


Mánná dál ávvadallh máddie girrijste maj bijrra máhttiebehten nálggasit aktane. Gehttjh rahppas gehttijelvassijde jüs máb sájtá girjiene jah sápkh mánán muhttsáje: *Máb dádna jahkkáh...? Mujtáh dádna....?*

Nálggash jijtjat iedniengiäluub

Nálggash, lávluoh jah luhkkh jijtjat iedniengiäluub. Jiänabus mánáh viäraldisne vyössh máddiegiälil byjrrasijdsne, jah leä ávkiene bijjás sjaddat jiänabe giälilgüjme guh barra akta.

Uhttsh jiänabub

- Luhkkh jiänabub Bokstarten bijrra dása: www.bokstart.se
- Jüs dádna leäh ávrruosne jijtjat mánán giällauvdiediemien bijrra, járggalh mánnásujttuogavdátjisse viehkien uvdaste. Dádna máhtáh ájáj jijtjat mánán giällauvdadiemien bijrra nálggasit uvdaskuvlan barggijgüjme.



Mánán giälla 3 jábien rájieste

Binná duv mánán giälla 3 jábieste

- Jiäna mánáh skenejeäh däl jiäna tjuöhtie báguojde. Bejjh báguojde tjáhkán gárgádassijde jah älggh ániekis nälggasemijde hállat.
- Mánná uvmassie gehttelvassijde gehttjet jah älggá skenet gukttie máhttá báguojde adniet jah máhttá dajgüjme stáhkát.
- Duv mánná älggá subtsastit man bijrra leä dahkkame jah lykkije gulddalit guh dádna subtsasth.

Ájtsh bokstávijde jah báguojde

Uvddaskuvllaáldarisne jiäna mánáh bokstávijde jah báguojde lágiedh. Luhkkh jah sievieth gálbijde jah gárddiemijde gássie duv mánná iäntuob vuösiete. Ájtsh ájáj miärkijde aktane dännan bijrra jah subtsasth majddie merkkijeh.

Tjiälgasth urra báguojde

Bruvkkah amma urra báguojde massa sjaddá jah vuöjnniebehten árggabievijne. Tjiälgasth báguojde mánná ij skeneh: miärra leä guh jávrrie, valla stuöriebe. Jallá: *gássie vádtsiebe gáddáje, die vuajadehpe miärane.*

Nälggash

Nälggash man bijrra leä sájtáme bieviene. Nälggash man bijrra dádna leäh gulddalamme jallá vuajnnáme mánná leä dahkkame uvddaskuvlane jah guasuoth mánáb jiänabe subtsasth dan bijrra.

Jiänamus gulmmajábákh eäh jahttieh gájkh báguojde gukttie állásine. Gássie dádna báguob gulddalh mij tjuajjá jätjáláhkájé máhtáh báguob reäktta vuöhkienie jahttiet, die mánná miñgiele reäktta jahttá.

Luhkkh aktane

Dahkkh dábieb luhkkat báddatjub fiärtan bieviene. Jiäna mánásne leäh vuösviesgirjje guh sijtt luhkkat viht jah viht. Gávvgirrij sisadnátassh máhttá dállie lussasubba subtsasth ednh valla eñje galggá nälggasit jah luhkkat.

Byörrah hállamisse girjien bijrra jah bádtjh mánáb gehttelvassijde gehttjet dan gaskane. Guh mánná gehttjje, tjuadtjst, gulddalh jah ussjadh aktane.

Mujtieh ahttie stáhka leä mánán vuöhkienie liärrat. Stágh, lávluoh jah subtsasth aktane. Rímah jah lávlluomh eñje ájetallat. Luhkkat girjijde leä buerjimuss vuöhkienie urra báguojde liärrat.

Nälggash jijtjat iedniengiälub

Nälggash, lávluoh jah luhkkh jijtjat iedniengiälub. Jiänabus mánáh viäraldisne vyössh máddiegiälj byjrrasijssne, jah leä ávkiene bijrás sjaddat jiänabe giäljgüjme guh barra akta.

Uhttsh jiänabub

- Luhkkh jiänabub Bokstarten bijrra dása: www.bokstart.se
- Jüs dádna leäh ávrruosne jijtjat mánán giällaauvdiediemien bijrra, járggalh mánnásujttuogavdátjisse viehkien uvdaste. Dádna máhtáh ájáj jijtjat mánán giällaauvdiediemien bijrra nälggasit uvddaskuvlan barggiigüjme.

Bokstart